

Siunnersummut nassuaatit**Nalinginnaasumik nassuaatit****1. Aallaqqasiut**

Naalakkersuisut Inatsisartut Siulittaasoqarfiannut saaffiginnissuteqarlutik siulitttaasoqarfimmut isumaliutigeqquaat ataatsimiinnermi ingerlasumi suliarineqartussamik inatsisisstatut siunnersummik saqqummiussaqartoqaqqullugu, taamaaliornikkut - Kalaallit Nunaata naalakkersuinikkut innarlitsaaliorneqarnerata illorsorneqarnissaa siunertaralugu – ingerlaannartumik atuutilersumik naalakkersuinikkut suliaqarnermut inuit namminersortullu aningaasanik tapiissuteqartarnerannut malittarisassat sakkortusineqassallutik, kinaassutsimik isertuussilluni nunanillu allanit tapiissutinik pissarsinissamut nalinginnaasumik inerteqouteqarnikkut.

Inatsisisstatut siunnersuutikkut matumuuna – Kalaallit Nunaata nunarsuarmi sumi inissisimanini tunngavigalugu naalakkersuinikkut soqutigineqarnera naalagaaffiullu pissaanilissuup iligisap sinnisaasa Kalaallit Nunaannik tigusillutillu nakkutillilernissaminnik soqutigisaqarnerminnik ersersitsisimanerat eqqarsaatigalugu – taamatut kaammattuuteqarneq naammassineqarpoq.

Inatsisisstatut siunnersuutikkut taamatuttaaq naalakkersuinikkut suliniaqatigiiffinnut partiinut inunnit inatsisilerinikkullu inuttut isigneqarsinnaasunit tapiissutit annertussusissaat killilerlugit aalajangersaasoqarnissaannik Europarådimit kaammattuut piviusunngortinneqarpoq.

Peqatigitillugu inatsisisstatut siunnersuutikkut innarligassaanginnermik peqquserlulluni iluanaarniartarneq akiorniarlugu suliniarneq qanoq nukitorsarneqarsinnaanersoq qulaajarniarlugu misissuinermi Naalakkersuisut 2020-mi suliarititaanni kaammattuutit piviusunngortinneqarput, soorlu aamma inatsisisstatut siunnersuutikkut tamanna pillugu Inatsisartut aalajangiinerat, 2022-mi upernaakkut ataatsimiinnermi imm. 120-tut suliarineqarlunilu akuersissutigineqartoq, piviusunngortinneqartoq.

Partiit naatsorsuutaasa saqqummiunneqartarneri pillugit Inatsisartut inatsisaata atuuttup siunertaraa soqutigisaqtut aalajangersimasut qanoq annertutigisumik partiip naalakkersuinikkut ingerlataqarneranik aningaasalersueqataanersut innuttaasunut (taamalu aamma qinersisartunut) paasisimasaqarnissaasa qularnaarneqarnissaa. Tamanna pillugu ammasuunissaq innuttaasut piviusumik oqartussaaqataanerannut tunngaviusumik piumasaqaataavoq. Inatsisartut inatsisaat nunanit allanit imaluunniit kinaassutsimik isertuussilluni tapiiffigineqarsinnaaneq pillugu aalajangersakkanik imaqlanngilaq, soorlu aamma Inatsisartut inatsisaanni naalakkersuinikkut suliniaqatigiiffinnut partiinut inunnit

inatsisilerinikkullu inuttut isigineqarsinnaasunit tapiissutit qanoq annertutigisinnaanerinut killiliinernik aalajangersaasoqarsimanngitsoq.

Inatsisisatut siunnersuut pingarnerusutigut inatsisartut inatsisaannik tulliuttunik allanngortitsiviuvoq:

Siunnersuutigineqarpoq nunanit allanit imaluunniit kinaassutsimik isertuussilluni tapiissuteqartunit tapiissutinik pissarsinissaq ajornartoq aalajangersarneqassasoq. Inerteqquteqarneq taamatuttaaq partiit najukkani inuusuttunullu immikkoortortaqarfiinut atuutissaaq. Inerteqqut aammattaaq Folketingimut Inatsisartunulluunniit ilaasortanut taakkulu sinniisussaannut, kiisalu inunnut Folketingimut Inatsisartunulluunniit qinersinissamut aggersumut qinigassangortittunut atuutissaaq.

Peqatigitillugu siunnersuutigineqarpoq aalajangersarneqassasoq partiit inunnit inatsisilerinikkullu inuttut isigineqarsinnaasunit tapiissutinik katillugit 200.000 kr.-init sinnilinnik imaluunniit tapiissuteqartunit ataasiakkaanit 20.000 kr.-init sinnilinnik pissarsisinnaatitaassanngitsut.

Taamatuttaaq tapiissutinut partiip inuinnarnit pissarsiaannut tunngatillugu partiit paasissutissiussaatitaanerannut malittarisassat atuuttut assigiinngitsutigut sakkortusineqarnissaat siunnersuutigineqarpoq.

Partii inummit inatsisilerinikkulluunniit inuttut isigineqarsinnaasumit tapiissutinik 10.000 kr.-init amerlanerusunik pissarsisimappat, inatsisartut inatsisaanni atuuttumi piumasarineqarpoq partiip ukiumoortumik naatsorsuutaani tamanit takuneqarsinnaasun paasissutissiussutigineqartassasoq kikkut tapiissuteqarsimanersut, aqqi najugaallu nalunaarlugit. Inatsisisatut siunnersuutikkut piumasaqaat tamanna pingasutigut sakkortusineqarpoq:

Siullermik piumasaqaat annertusineqarpoq taamaasilluni tapiissutit pineqartut annertussusiat aamma nalunaerneqartartussanngussalluni.

Aappaattut inatsisilerinikkut inuttut isigineqarsinnaasut, ass. ingerlatseqatigiiffiit soqutigisaqaqatigiiffiillu, eqqarsaatigalugit 10.000 kr.-inut killigititaq atuuttoq atorunnaarsinneqassaaq. Taamaaliornikkut siunertarineqarpoq tapiissuteqartup tapiissuteqarnermi tamanut saqqummiunneqarnissaa pinngitsoortinniarlugu inatsisilerinikkut inuttut isigineqarsinnaasut arlallit tapiissuteqartumit nakkutigineqartut tamarmillu killissarititaasut sinneragut tapiissuteqartut aqqutigalugit tapiissuteqarsinnaanerata pinngitsoortinniarneqarnissaa.

Tamatuma kingorna partiip ukiumoortumik naatsorsuutai inatsisilerinikkut inuttut isigineqarsinnaasunit tapiissutit tamaasa, tapiissutit annertussusiat apeqqutaatinnagu, pillugit paasissutissanik imaqartartussaassapput.

Inuit tigussaasut eqqarsaatigalugit killissarititaq 1.000 kr.-inut apparitinneqarpoq. Nalinginnaasumik innuttaasut (inuit tigussaasut) taamaalillutik 1.000 kr.-it tikillugit suli partiimut tapiissuteqarsinnaassapput, tapiissutit annertussusii tapiissuteqartorlu pillugit paasissutissat tamanut saqqummiutningikkaluarlugit.

Pingajuattut inunnit inatsisilerinikkullu inuttut isigineqarsinnaasunit tapiissutinut tunngatillugu paasissutissiisussaatitaaneq annertusineqarpoq tapiissutinut partiimut imaluunniit partiip najukkami inuuusuttunulluunniit immikkoortortaqarfint tunniunneqaratik partiimut ilaasortanut qinigassangortittunulluunniit ataatsiakkaanut, taakku naalakkersuinikkut sulinerannut, qineequsaarnerit ilangullugit, toqqaannartumik tunniunneqartunut aamma atuuttussanngorlugu. Taamaaliornikkut siunertarineqarpoq tapiissuteqartup tapiissuteqarnermi tamanut saqqummiunneqarnissaa pinngitsoortinniarlugu partiimut tapiissuteqarani partii sinnerlugu qinikkanut aalajangersimasunut tapiissuteqartarnissaa.

Kiisalu siunnersuutigineqarpoq inatsisartut inatsisaanni erseqqissarneqassasoq ukiumoortumik naatsorsuutit tamanut saqqummiunneqarnissaat siunertaralugu partiinit Inatsisartut siulittaasoqarfiannut nassiunneqartussat kukkunersorneqarsimassasut, naalakkersuinikkut suliaqarnermut aningaasatigut tapiissuteqartarnerq pillugu inatsisartut inatsisaat malillugu atuutereersutut. Piumasaqaat tamanna ulluinnarni partiit malereerpaat. Erseqqissaasoqarnissaanik siunnersuutip siunertaraa inunnit inatsisilerinikkullu inuttut isigineqarsinnaasunit tapiissutinut tunngatillugu ukiumoortumik naatsorsuutini paasissutissat kukkunersorneqarsimanissaasa qularnaarneqarnissaa.

2. Siunnersummi immikkoortut pingaarcerit

2.1. Kinaassutsimik isertuussilluni nunanillu allanit tapiissutit

A) Inatsisiliornerit atuuttut

Inatsisiliornerni atuuttuni aalajangersagaqanngilaq partiit kinaassutsimik isertuussilluni nunanilluunniit allanit tapiissutinik pissarsisinnaanissaannik mattussisunik killiliisunilluunniit.

Naalakkersuinikkut ingerlatsisut partiit naatsorsuutaasa tamanut saqqummiunneqartarneri pillugit Inatsisartut inatsisaat (Inatsisartut inatsisaat nr. 15, 22. november 2011-meersoq) kinaassutsimik isertuussilluni tapiissutinut tunngatillugu taamatullu aamma tapiissuteqartunit kinaassusii partiimit ilisimaneqanngitsunit tapiissutinut tunngatillugu nunanit allanit tapiissuteqarsimasinnaasut aamma ilangullugit partiip paasissutissiisussaatitaanera pillugu aalajangersakkanik imaqarpoq.

Kinaassutsimik isertuussilluni tapiissutit eqqarsaatigalugit Inatsisartut inatsisaanni § 1, imm. 2, oqaaseqatigiit aappaanni aalajangersarneqarpoq tapiissuteqartumit ataatsimiit tapiissummik imaluunniit tapiissuteqartunit arlalinnit katillugit 10.000 kr.-init amerlanerusunik pissarsisimappat tapiissuteqartup aqqa najugaalu ukiumoortumik naatsorsuutinit takuneqarsinnaassasut.

Aammattaaq inatsisartut inatsisaanni § 1, imm. 4-mi aalajangersarneqarpoq ukiumoortumik naatsorsuutit ilassutit nassuaammi (ilaatigut) kinaassutsimik isertuussilluni tapiissutit partiip najukkami inuusuttunulluunniit immikkoortortoqarfiaa pissarsiarisimasai pillugit paasissutissaajunnartumik partiimut tunniunneqarsimasunik imaqassasoq.

Najukkami inuusuttunulluunniit immikkoortortoqarfik qaammatisiutit ukiuanni katillugit 40.000 kr.-it sinnerlugit tapiissutinik pissarsisimappat najukkami inuusuttunulluunniit immikkoortortoqarfik inatsisartut inatsisaanni § 4, nr. 3-4 naapertorlugit pisussaaffeqarpoq kinaassutsimik isertuussilluni tunissutaajunnartut tamarmiusut annertussusii kiisalu kinaassutsimik isertuussilluni 10.000 kr. sinnerlugu tapissutit ataasiakkaat partiip nuna tamakkerlugu kattuffianut paasissutissiissutigissallugit.

B) Siunnersuuteqartup isumaliutai

Nunat tamalaat akornanni ukiuni kingullerni arlaleriarluta takusarsimavarput pissaanilissuit avataaneersut imaluunniit nunanit allanit sunniiniartartut nunami allami innuttaasut naqisimaneqaratik qinersinerik sunniiniartarsimasut.

Kalaallit Nunaata nunarsuarmi sumi inisisimanini tunngavigalugu naalakkersuinikkut soqtigineqarnera naalagaaffiullu pissaanilissuup iligisap sinnisaasa Kalaallit Nunaannik tigusillutillu nakkutiliilernissaminnik soqtigisaqarnerminnik ersersitsisimanerat eqqarsaatigalugu tamatuma Kalaallit Nunaanni qinersinerik naalakkersuinikkullu aalajangiiniartarnernik sunniiniarsinnaanermut Kalaallit Nunaat eqqoruminartissinnaavaa.

Kalaallit Nunaanni qinersinermik imaluunniit allatigut naalakkersuinermik sulialinnik sunniiniarluni sakkussat atorneqarsinnaasut eqqarsaatigineqarsinnaasut ilagaat partiinut naalakkersuinermilluunniit sulialinnut qinigassangortittunut qinigaareersunulluunniit aningaasanik tapiissuteqartarneq – ilaatigut qineqqusaarnermut tapiissutitut.

Taamatut ulorianartorsiortitsisinnaanerup kingunerisinnaasai aarleritsannarput: Aningaasanik tapiissuteqarnerit nunat tamalaat akornanni uuttuutit malillugit annikittunnguatut isikkoqartut Kalaallit Nunaanni qineqqusaarnermi annertoorujussuusussaapput, nunatsinnilu partiit qineqqusaarnermut peqataasinnaanerinik equitserujussuarsinnaallutik.

Tamanna paasinarsarniarlugu oqaatigineqarsinnaavoq Kunngitsuuniat (Republican Party) Demokraatillu (Democratic Party) USA-mi præsidentimut qinersinermi kingullermi ataatsimut inunnit inatsisilerinikkullu inuttut isigineqarsinnaasunit 2,6 milliard dollarsinit

amerlanerusut katersorsisimammatigit, aningaasaatilissuarlu Elon Musk 2024-mi piffissami juulimiit septembarimuinnaq Trumpip qineqquasarneranut 72 million dollarsinik (500 mio kr.-it missaannik) tapiissuteqarsimammat.

Qinersinernik naalakkersuinikkullu aalajangiiniartarnernik sunniiniarsinnaanerit eqqarsaatigalugit Kalaallit Nunaata eqqoruminassusiata malittarisassanik partiit naalakkersuinermillu suliallit ataasiakkaat nunanit allanit tapiissuteqartartunit tapiissutinik pissarsisinnaanerat mattullu malittarisassanik eqqussisoqarnissaa oqariartutigaa.

Kalaallit Nunaata nunarsuarmi sumi inissisimanini tunngavigalugu ullutsinni naalakkersuinikkut soqutigineqarnera Inatsisartunullu qanittukkut qinersisoqartussaanera eqqarsaatigalugit taamatut malittarisassiornissaq pisariaqavissutut nalilerneqarpoq.

Kalaallit Nunaanni naalakkersuinikkut sulinermut nunanit allanit tapiissuteqarfingineqarnissamik inerteqquteqarneq siunertarineqartutut sunniuteqassappat taamatuttaaq partiit naalakkersuinermillu suliallit ataasiakkaat kinaassutsimik isertuussilluni tapiissutinik pissarsisarsinnaanerisa mattunneqarnerunissaa pisariaqassaaq.

Kinaassutsimik isertuussilluni tapiissutinik inerteqquteqalernikkut peqatigitillugu "Innarligassaannginneq pillugu misissuineq - Kalaallit Nunaat" peqquserlulluni iluanaarniartarneq (matumani nammieq iluanaarnissaq piinnarlugu pissaanermik atornerluinertut paasillugu) akiorniarlugu suliniarnerup qanoq nukitorsarneqarsinnaanera qulaajarniarlugu Naalakkersuisut 2020-mi suliarititaani kaammattuutit ilaat naammassineqassaaq

C) Siunnersuut

Nunanit allanit kinaassutsimillu isertuussilluni tapiissuteqartunit tapiissutinik partiip pissarsisinnaatitaannginnerisa aalajangersarneqarnissaa siunnersuutigineqarpoq.

Inerteqquteqarneq taamatuttaaq partiit najukkani inuuusuttunullu immikkoortortaqarfiinut atuuppoq. Inerteqquteqarneq taamatuttaaq ukununnga atuuppoq:

- 1) Folketingimut Inatsisartunulluunniit ilaasortanut taakkulu sinniisussaannut, aamma
- 2) inunnut Folketingimut Inatsisartunulluunniit qinersinissamut aggersumut qinigassangortittunut.

Partiip nunanit allanit kinaassutsimillu isertuussilluni tapiissuteqartunit tapiissutinik pissarsisup tapiissutit tiguneqarneriniit sapaatit akunneri sisamat qaangiutsinnagut utertittartussanngussavaat. Paasinarsippat partiip tapiissutit utertissinnaanngikkai tapiissutit nunatta karsianut nakkartinneqassapput taamaallunilu partiip pisussaaffigissallugu tapiissutit tiguneqarneriniit sapaatit akunneri arfineq-pingasut qaangiutsinnagit tapiissutit kontumut aningaasaqarnermut naalakkersuisoqarfimmit innersuussutigineqartumut nuussallugit.

Pisussaaffiit taakku taamatuttaaq najukkani inuuusuttunullu immikkoortortaqarfinnut nunanit allanit kinaassutsimilluunniit isertuussilluni tapiissutinik pissarsisunut atuupput.

Taamaqataannik tamanna atuutissaaq Folketingimut Inatsisartunulluunniit ilaasortanut taakkulu sinniisussaannut, kiisalu inunnut Folketingimut Inatsisartunulluunniit qinersinissamut aggersumut qinigassanngortittunut.

2.2. Tapiissutinut killigitat

A) Inatsisiliornerit atuuttut

Partiit naatsorsuutaasa saqqummiunneqartareri pillugit Inatsisartut inatsisaata atuuttup siunertaraa soqtigisaqartut aalajangersimasut qanoq annertutigisumik partiip naalakkersuinikkut ingerlataqarneranut aningaasalersueqataanerannik innuttaasut (taamalu aamma qinersisartunut) paasisimasaqarnissaasa qularnaarneqarnissaa.

Tunissuteqartunit ataasiakkaanit qanoq annertutigisumik partii inuinnarnit tapiiffigineqarsinnaassanersut imaluunniit partiimut ataatsimut inuinnarnit tapisisutit qanoq annertutigisinnaanesut inatsisiliornerni atuuttuni aalajangersarneqarsimannngilaq.

B) Siunnersuuteqartup isumaliutai

Inuinnarnit tapiissutit massakkumut Kalaallit Nunaanni partiit aningaasaqarniarnerisa ilagisimavaat suunngitsut. Inuinnarnit tapiissutit ikillutillu annikissimapput. Partiit sulinerat taamaalilluni tamarluinnangajammi pisortanit tapiissutit aqqutigalugit pisarpoq.

Partiit Inatsisartunut ilaasortaatitaqartut naalakkersuinikkut suliaqarnermut aningaasasatigut tapiissuteqartarneq pillugu Inatsisartut inatsisaat naapertorlugu Namminersorlutik Oqartussanit pisortanit tapiissutinik pissarsisarput – tunngaviusumik tapiissutinik ukiumut 977.500 kr.-iusunik kiisalu qassnik ilaasortaatitaqarneq tunngavigalugu tapiissutinik (2025-imi) ilaasortaatitamut ataatsimut 316.000 kr.-iusunik.

Taakkununnga ilanngunneqassapput qineqqusaarnernut tapiissutit, annertussusii aningaasanut inatsimmi aalajangersarneqartartut. Ukioq manna (2025) Inatsisartunut qineqqusaarnissamut partiit 100.000 kr.-inik tunngaviusumik tapiissutisissapput, tamatumalu saniatigut Inatsisartunut qinersinermi kingullermi taasisimut ataatsimut 100 kr.-inik tapiissutisissallutik. Kommuninut qineqqusaarnermut partiit 50.000 kr.-inik tunngaviusumik tapiissutisissapput kommuninullu qinersinermi kingullermi taasisimut ataatsimut 50 kr.-inik tapiissutisissallutik.

Partiit folketingimut qinersinermut peqataasut tamatuma saniatigut naalakkersuinikkut suliniaqatigiiffinnut aningaasaqatigut tapiissutit pillugit inatsit malillugu tapiissutisisarput.

Inunnit inatsisilerinikkullu inuttut isigineqarsinnaasunit tapiissutinik qanoq annertutigisunik partiip pissarsisinnaaneranik killiliisunik inatsisiliornerni atuuttuni aalajangersagaqannginneratali soqtigisaqartut ass. aatsitassarsiornerup aalisarnerulluunniip

iluani, aningaasaateqarluartut periarfissippai partiimut tapiissuteqarsinnaanissamut naalakkersuinikkut suliaqarnermut, qineqquusaarnerit ilanngullugit, pisortat tapiissutaannut sanilliullugit annertuallaarujuussuartunik.

Inunnit inatsisitigullu inuttut isigineqarsinnaasunit partiinut tapissutit annertuallaat naalakkesuinikkut aalajangiiniartarnerit ingerlasarnerinut innuttaasut tatiginninnerannik annikillisisisinjaavoq. Peqatigitillugu tapiissutit ataasiakkaat qaqtigoorluinnartumik annertussusillit – ass. mio. kr.-inik arlalinnik tapiissuteqarneq – Kalaallit Nunaanni partiit ass. qineqquusaarnermut peqataanissaminut periarfissaannik equtitsilluinnarsinnaavoq.

Partiinut inuit inatsisilerinikkullu inuttut isigineqarsinnaasut tapiissutaasa annertussusiisa killilerneqarnissaannik malittarisassiorraqnissaa isumaliutigeqqullugu nunanut ilaasortaasunut Europarådi kaammattuuteqarsimavoq (Recommendation Rec (2023) 4 of the Committee of Ministers to member states on common rules against corruption in the funding of political parties and electoral campaigns, Artikel 3 b, ii).

Taamatut isumaliuteqarneq Kalaallit Nunaat eqqarsaatigalugu qulaani immikkoortuni 2.1-mi oqaatigineqartut naapertorlugit nunanit allanit sunniiniartoqarsinnaaneranit soqutiginarsisinneqarpoq. Inatsisissatut siunnersuummi § 1, nr. 2-kkut (§ 4 b nutaaq) taamatut pisoqarsinnaanera illuatungilerniarneqarpoq nunanit allanit kinaassutsimillu isertuussilluni tapiissutinik pissarsisinnaanermik inerteqquteqarnikkut. Mattunneqarsinnaanngilarli nunanit allani suuniartartut inerteqqut tamanna sanioqqunniarsinnaagaat inatsisilerinikkut inuttut isigineqarsinnaasut Kalaallit Nunaanni angerlarsimaffilit siunertamut pilersinneqartut aqqtigalugit tapiissuteqartarnikkut.

C) Siunnersuut

Siunnersuutigineqarpoq aalajangersarneqassasoq partiit inuinnarnit tapiissutinik katillugit 200.000 kr.-init amerlanerusunik imaluunniit tapiissuteqartunit ataasiakkanit 20.000 kr.-init amerlanerusunik pissarsisinnaatitaassanngitsut.

Partiip 20.000 kr.-init amerlanerusunik tapiissutinik pissarsisup, tapiissutit ilaat amerlanaarutit utertissavat, tiguneqarneriniit sapaatit akunneri sisamat qaangiutsinnagit. Paasinarsippat tapiissutit ilaat amerlanaarutit partiip utertissinnaanngikkai, tapiissutit ilaat amerlanaarutit nunatta karsianut nakkartitassanngussapput, taamaallunni partiip pisussaaffigissallugu tapiissutit tiguneqarnerinit sapaatit akunneri arfineq-pingasut qaangiutsinnagit tapiissutit ilaasa amerlanaarutit kontumut aningaasaqarnermut naalakkersuisoqarfimmit innersuussutigineqartumut nuussallugit.

Tamanna aamma atuuppoq partii tapiissutinik pissarsinermigut 200.000 kr.-inut killissarititaq inunnit inatsisilerinikkullu inuttut isigineqarsinnaasunit tapiissutit qaammatisiutit ukiuata ingerlanerani partiip pissarsiarisanut atuuttoq qaangerpagu.

2.3. Tapiissuteqartut kinaassusiinut tapiissuteqartullu ataasiakkaat tapiissutaasa annertussusiinut tunngatillugu paasissutissiussaatitaaneq

A) Inatsisiliornerit atuuttut

Naalakkersuinikkut ingerlatsisut partit naatsorsuutaasa tamanut saqqummiunneqartarneri pillugit Inatsisartut inatsisaanni atuuttumi (Inatsisartut inatsisaat nr. 15, 22. november 2011-meersoq) § 1-imi piumasaqaatitut aalajangersarneqarpoq partiit Kalaallit Nunaanni Folketingimut Inatsisartunulluunniit qinersinermi kingullermi qinigassanngortitaqarsimasut ukiunut tamanut partiip nuna tamakkerlugu kattuffiata isertitaanut aningaasartuutanullu ukiumoortumik naatsorsuusiorrassasut.

Ukiumoortumik naatsorsuutit § 1, imm. 2, oqaaseqatigiit aappaat naapertorlugu tapiissuteqartut aqqi najugaallu pillugit paasissutissanik imaqassapput partii ukumi naatsorsuuteqarfiusumi tapiissuteqartumit ataatsimit ataasiarluni arlaleriarluniluunniit katillugit 10.000 kr.-it sinnerlugu tapiissutinik pissarsisimappat.

Aammattaaq inatsisaanni § 1, imm. 4-mi aalajangersarneqarsimavoq ukiumoortumik naatsorsuutit ilassutit allakkiamik paasissutissanik partiip najukkami inuusuttunulluunniit immikkoortortoqarfiaa tapiissutinut najukkami inuusuttunulluunniit immikkoortortoqarfiaa pissarsiarisimaasaanut tunngatillugu partiimut tunniussimasai pillugit paasissutissaajunnartunik imaqartumik ilaqtinnejqassasut.

Najukkami inuusuttunulluunniit immikkoortortoqarfik qaammatisiutit ukiuanni katillugit tapiissutinik 40.000 kr.-it sinnerlugin pissarsisimappat inatsisartut inatsisaanni § 4, imm. 2 naapertorlugu najukkami inuusuttunulluunniit immikkoortortoqarfik pisussaavoq partiip nuna tamakkerlugu kattuffianut tapiissutit ataasiakkaat annertussusii tapiissuteqartup aqqa najugaalu ilanngullugit partiip nuna tamakkerlugu kattuffianut paasissutissiissutigissallugit, immikkoortortoqarfik tapiissuteqartumit ataatsimit ataasiarluni arlaleriarluniluunniit katillugit 10.000 kr.-it sinnerlugu tapiissutinik pissarsisimappat.

B) Siunnersuuteqartup isumaliutai

Peqquserlulluni iluanaarniartarneq (matumani nammineq iluanaarnissaq piinnarlugu pissaanermik atornerluinertut paasillugu) akiorniarlugu suliniarneq qanoq nukittorsarneqarsinnaanersoq Naalakkersuisut 2020-mi nalilertippaat. Nalilersuineq Nordic Consulting Groupimit suliarineqartoq, saqqummersinneqartorlu "Innarligassaannginnejq pillugu misissuineq - Kalaallit Nunaat" qulequtaralugu, kaammattuutinik assigiinngitsunik imaqarpoq, tassunga ilanngullugu partiit naatsorsuutaasa tamanut saqqummiunneqartarnerat pillugu inatsisiornernut tunngatillugu kaammattuutinik. Kaammattuutit taakku ilagivaat tapiissuteqartut partiimut 10.000 kr. sinnerlugu tapiissuteqartut aqqi kisimiinnaangitsoq kisiannili aamma tapiissutit annertussusii tamanut saqqummiunneqartariaqartut. Taamatuttaaq kaammattuutigineqarpoq tapiissutigineqarsinnaasunut killiussaq saneqquaarnilugu tapiissutit inatsisilerinikkut inuttut isigineqarsinnaasut akornanni agguataarneqarsinnaassanngitsut.

2022-mi upernaakkut ataatsimiinnermi aalajangiiffisassatut siunnersuut (UPA2022/120) tullliuttumik oqaasertalik Inatsisartut akuersissutigaat:

"Inatsisartut aalajangiiffisassaaattut siunnersuut, Inatsisartut Siulittaasoqarfiat peqquneqassasoq siunnersuummik saqqummiussissasoq, Naalakkersuinikkut partiit ingerlatsisut naatsorsuutaasa tamanut saqqummiunneqartarnerat pillugit Inatsisartut Inatsisaat allanngortinnejarnissaannik taamaasilluni partiimut 10.000 kr. sinnerlugu aningaasaliissuteqarsimanermi partiip naatsorsuutaanni kina aningaasaliissuteqarsimanersoq taamaallaat allaqqanani, kisiannili aamma aningaasaliissutit qanoq annertutigineri aamma allaqqasalerluni. Aningaasaliissutigineqarsinnaasullu killissarititaa avaqqunneqarsinnaassanngilattaaq inatsisitigut pisussaatitaasunit arlaliusunit avinneqarsimalluni."

Aalajangiiffisassatut siunnersuut innarligassaannginneq pillugu misissuinermit kaammattuutit tunngavigalugit saqqummiunneqarpoq. Siunnersuuteqartup tunngavilersuummini ilaatigut oqaatigaa:

"Inatsit qularnaarinnittuuvoq inuiaqatigiit nalussanngikkaat kikkut naalakkersuinikkut partiisut ingerlanneqarneranut aningaasaliissuteqartarnersut ilisimassagaat. Partiimmi pisortat aningaasaliissutaat kisimi aallavigisariaqanngilaat. Suliffeqarfii, soqtigisaqaqatigiifflit aammalumi inuinnaat aningaasaliissuteqarnissaminnut aamma periarfissaqarput.

Tamanna pingaartitamikkut anguniagaqarnikkullumi peqquteqarlutik iliuuserisinnaavaat. Kisiannili aamma Naalakkersuinikkut partiinut aningaasaliissuteqarneq nammineq iluaquusersornissaq pillugu misiliutigineqarsinnaavoq. Tamanna pingitsoortissinnaanngilarput – kisiannili partiit aningaasalersorneqarnerisa suminngaanneerneranik ammasuunissaa qulakeersinnaavarput. Taamaasilluta innuttaasut (minnerungitsumik qinersisartut!) periarfississavagut nalilersuisinnaanngorlugit aningaasaliissuteqarsimasut soqtigisaat aallaavigalugit politikkertik politikkikkullu inissittarnertik soqtigisaqartunut sammisunngorlugu inissittarnersut.

Inatsit oqarpoq partiit ukiumut naatsorsuutaat tamanut saqqummiunneqartassasut, partiilu aningaasaliissutitigut arlaliusunilluunniit tamakkiisumik 10.000kr. annerusumik tigusaqarsimasut naatsorsuutimini aningaasaliisup aqqa najugaqarfialu nalunaarsussallugit pisussaatitaasut.

Tassanilu peqquserluttarnermut nalunaarusiapi marluk ima sanngiippallaartut nalilerpai:

Sanngiiffik siulleq tassaavoq tapiissutigineqartoq annertussusaa partiip ukiumut naatsorsuutaanni allaqqasariaqanngimmat. Soorlu aatsitassarsiortup imaluunniit imaatigut

angallassisartunit partii 18 mio. kr.-inik tapiissuteqarsimappat partiip ukiumut naatsorsutaanni eqqaaneqartup 10.000 kr.-miit annertunerusumik tapiissuteqarsimanera kisimi nalunaarsorneqassaaq.

Saanngiiffik aappaat tassaavoq inatsisitigut pisussaatitaasunit arlalinnit tapiissutigineqartoq avinneqarsimalluni aningaasatigut killissarititaasoq avaqqunneqarsinnaammat. Raajanik aalisariutilik imaluunniit sanaartornermut tunngasunik sulialit partiimut 100.000 kr.-inik tapiiserusuttoq tamanit saqqummiuttussaanngitsumik, taava pineqartoq suliffeqarfinnik quliusunik pilersitsisinnaavoq, tamarmillu 10.000 kr.-nik partiimut tuniuissaqartillugit.

Inatsit atuuttoq 2011-minngaanneerpoq, danskillu partiit ukiumut naatsorsuusiortarnerisa maleruagassaat assigalugit, Kalaallit Nunaannulli tulluarsagaallutik. Qallunaat Nunaanni maleruagassat taakku sukaterneqarsimapput tamanna Europami Isumalioqatigiissitamit innersuussutigineqarnerasigut - Innersuussutigineqartut Peqquserluttarneq pillugu misissuisimanermi aamma innersuussutigineqartoq.

Isumaqpunga aamma piffissanngortoq inatsit nutartissallugu sanngiiffittut taakkartorneqartut iluarsiumallugit.

Inuinnaat tapiissuteqartartut partiip isertitarisartagaanni annertunngillat, politikkikkullu sunniuteqarniarluni tapiissuteqarniartarneq suli ilisimanngilarput. Kisiannili piffissaq qanoq takutikkumaarpaa? Nunat avannarlermi aningaasatigut soqutigisat annertuut ukiuni makkunani ingerlaleruttorput, peqquserlunniarnernullu assingusunulluunniit akiuiniarnissamut pisariaqartitsineq annikilliartunngilaq.”

Aalajangiiffigisassatut siunnersummut tunngavilersuutini siunnersuuteqartup erseqqissarpaa siunnersuut assigiinngitsutigut timitalerneqarsinnaasoq, periarfissallu ilaat isumaliutigineqarsinnaasoq tassaasoq inatsisilerinikkut inuttut isigineqarsinnaasut, ass. ingerlatseqatigiiffiit suliniaqatigiiffiillu, eqqarsaatigalugit tapiissutit annertussutigisinnaasaannut killigititap peerneqarnera, taamaalilluni partiit naatsorsuutaat inatsisilerinikkut inuttut isigineqarsinnaasut tapissuteqartillugit tamatigut tapiissuteqartut tapiissutillu annertussusii pillugit paasissutissanik imaqartassallutik.

Aalajangiiffigisassatut siunnersummut isumaliutissiissummi tamatumunnga atatillugu Inatsisinut Ataatsimiititaliap oqaatigaa:

[...] ”Inatsisitigut pisinnaatitaallutik arlaliusunit tapiissuit inummit ataatsimit pigineqarnersut/aqunneqarnersut nakkutigissallugu unammillernassasoq oqaatigissallugu ataatsimiititaliap tunngavissaqarsoraa. Inatsisitigut pisinnaatitaasut, assersuutigalugu ingerlatseqatigiiffiit kattuffiillu, tapiissimatillugit tapiissuteqartut aningaasallu amerlassusaat pillugit paasissutissat pinerit tamaasa partiit naatsorsutaanni ilanngunneqartarnissaannik piumasagaammik atuutsitsisoqalerpat, tamanna tapiissuit ammasuunissaannik

*siunnersuummi anguniakkap allaffissornerup annertusineranik nassataqanngikkaluartumik
piviusunngortinneranik nassataqassaaq.*

*Inunnut suliffeqarfinnut attuumassuteqaratik tunniussisunut tunngatillugu, nammineq
inuuneqarnerannik politikkikkullu isumaqarnerannik illersuinissaq eqqarsaatigalugu,
annertuallaanngitsunik tunniussaqartut aqqi ilanngullugit tamanut
saqqummiunneqartassanngitsut ataatsimiititaliap erseqqissarusuppa. ”*

C) Siunnersuut

Siunnersuummi § 1, nr. 5-ikkut partiit naatsorsuutaanni kina tapiissuteqarsimanersoq takuneqarsinnaaginnarani tapiissutit qanoq annertutigisut pineqarnersut aamma takuneqarsinnaanissaannik Inatsisartut aalajangererat piviusunngortinnejarpooq.

Siunnersuummi § 1, nr. 5-6-ikkut aningaasanut tapiissutigineqarsinnaasunut killiliussap inatsisilerinikkut inuttut isigineqarsinnaasut arlallit akornanni agguataarneqarnerisigut saneqqunneqarsinnaannginnissaannik Inatsisartut aalajangererat piviusunngortinnejarpooq. Inatsisinut Ataatsimiititaliap kaammattuutai naapertorlugit Inatsisartut aalajangererat piviusunngortinnejarpooq partiit naatsorsuutaasa inatsisilerinikkut inuttut isigineqarsinnaasut tapiissutit annertussusiat apeqqutaatinnagu tapiissuteqartoq tapiissutillu annertussusii pillugit paasissutissanik imaqarnissaannik piumasaqaateqalernikkut. Inatsisilerinikkut inuttut isigineqarsinnaasut eqqarsaatigalugit taamaalilluni 10.000 kr.-inut killigititaq atuuttoq atuukkunnaarsinneqarpooq.

Inuit tigussaasut eqqarsaatigalugit killiliussaq 1.000 kr.-inut apparinnejarpooq.

Innuttaasunit (inunnit tigussaasunit) 1.000 kr. tikillugit tapiissutit eqqarsaatigalugit taamaalilluni partii tapiissuteqartut aqqi najugaallu aamma tapiissutit annertussusii pillugit tamanit takuneqarsinnaasunik paasissutissiisussaanngillat.

Inatsisinut ataatsimiititaliap oqaatigisai naapertorlugit taamaalilluni tapiissutit annertugisassaanngitsut eqqarsaatigalugit namminiulluni inuunerup naalakkersuinikkullu isummat illersorneqarnissaat isiginiarneqarnissaat suli naammassineqarsimassaaq.

2.4. Folketingimut Inatsisartunulluunniit ilaasortanut taakkununngalu sinniisussanut inunnillu Folketingimut Inatsisartunulluunniit qinersinissamut aggersumut qinigassanngortittunut tapiissutit pillugit paasissutissiisussaatitaaneq.

A) Inatsisilornerit atuuttut

Naalakkersuinikkut ingerlatsisut partiit naatsorsuutaasa tamanut saqqummiunneqartarneri pillugit Inatsisartut inatsisaanni atuuttumi (Inatsisartut inatsisaat nr. 15, 22. november 2011-meersoq) § 1, imm. 4-mi aalajangersarneqarpooq ukiumoortumik naatsorsuutit ilassutit nassuaammi paasissutissaajunnartunik imaqassasut tapiissutit najukkami inuusuttunulluunniit

immikkoortortoqarfiata tigusimasai pillugit partiip najukkami inuusuttunulluunniit
immikkoortortoqarfiata partiimut nalunaarutigisimasai pillugit.

Najukkami inuusuttunulluunniit immikkoortortoqarfik qaammatisiutit ukiuanni katillugit 40.000 kr.-it sinnerlugit tapiissutinik pissarsisimappat najukkami inuusuttunulluunniit immikkoortortoqarfik inatsisartut inatsisaanni § 4, nr. 2 naapertorlugu pisussaaffeqarpoq tapiissutit ataasiakkaat annertussusii pillugit partiip nuna tamakkerlugu kattuffianut paasissutissiisalluni, immikkoortortoqarfik tapiissuteqartumit ataatsimit tapiissummik tapiissutinilluunnit arlalinnik katillugit 10.000 kr.-init amerlanerusunik pissarsiaqarsimappat, tapiissuteqartup aqqa najugaalu ilanngullugit.

Inatsisartut inatsisaat atuuttoq partiimut ilaasortanut ataasiakkaanut imaluunniit qinigassanngortittut naalakkersuinikkut sulinerannut, qineqquaarnermut tapiissutit ilanngullugit, tapiissutit eqqarsaatigalugit taamaaqataanik aalajangersakkaniq imaqanngilaq.

B) Siunnersuuteqartup isumaliutai

Inatsisartut inatsisaata atuuttup partiimut ilaasortanut ataasiakkaanut imaluunniit qinigassanngortittut naalakkersuinikkut sulinerannut, qineqquaarnermut tapiissutit ilanngullugit, tapiissutit eqqarsaatigalugit taamaaqataanik aalajangersakkaniq imaqannginnerra inunnit inatsisilerinikkulluunniit inuttut isigineqarsinnaasunit partiit pissarsisarnerat pillugu innuttaasut paasiaqarsinnaanissaat qularnaarniarlugu malittarisassat sanioqqutaarneqarsinnaanerannik malitseqarpoq.

Ass. ingerlatseqatigiiffik soqutigisaqaqatigiiffilluunniit partiip qineqquaarneranut annertuumik tapiissuteqarnissaminik kissaateqarpat, ingerlatseqatigiiffiup imaluunniit soqutigisaqaqatigiiffiup pineqartup tamatuma tamanut saqqummiunneqarnissaa pinngitsoortissinnaavaa partiimut (imaluunniit partiip najukkami inuusuttunulluunniit immikkoortortoqarfianut) tapiissuteqarani inummut inunnnulluunniit partii pineqartoq sinnerlugu qinigassanngortittunut tapiissuteqarnikkut.

Peqquserlulluni iluanaarniartarnernut (nammieq iluanaarnissaq piinnarlugu pissaanermik atornerluineq) inatsisartut inatsisaata illersuutanenissaanut tamanna sanngueeqtaavoq.

C) Siunnersuut

Siunnersuummi § 1, nr. 10-kkut (§ 4 a nutaaq) partiimut ilaasortat ataasiakkaat ilaasortat pineqartup naalakkersuinikkut suliniarneranut ass. qineqquaarnissamut tapiiffingineqarnikkut tapiissutinik pissarsisimasut paasissutissiisussaatitaanerannik eqquissisoqarpoq.

Siunnersuutigineqarpoq ilaasortaq qaammatisiutit ukiuata naaneranit qaammatit sisamat qaangiutsinnagit partiip nuna tamakkerlugu kattuffianut uku pillugit paasissutissanik nassiussaqassasoq:

- Tapiissutit ilaasortap ukiumi pineqartumi pissarsiarisimasaasa tamarmik tamarmiullutik annertussusii.
- Inatsisilerinikkut inuttut isigineqarsinnaasut (ass. ingerlatseqatigiiffiit, peqatigiiffiit kattuffiillu) ilaasortap naalakkersuinikkut sulineranut tapiissuteqartut aqqi najugallu, kiisalu tapiissutit tapiissuteqartumit pineqartumit pissarsiarisimasaasa annertussusii.
- Inuit tigussaasut (innuttaasut) ilaasortap naalakkersuinikkut sulineranut tapiissuteqartut aqqi najugallu, kiisalu tapiissutit tapiissuteqartumit pineqartumit pissarsiarisimasaasa annertussusii. Tamannali taamaallaat atuuppoq ilaasortaq tapiissuteqartumit ataatsimit katillugit 1.000 sinnerlugu tapiissutisisimappat.

Siunnersuutigineqarpoq tamanna aamma atuutissasoq inunnut partiimut ilaasortaangikkaluarlutik Folketingimut Inatsisartunulluunniit qinersinermi kingullermi partii sinnerlugu qinigassanngortissimasunut.

Kiisalu § 1, nr. 7-imikin siunnersuutigineqarpoq partiit ukiumoortumik naatsorsuutaanni paasissutissussaatitaaneq annertusineqassasoq tapiissutit ilaasortat qinigassanngortittulluunniit ataasiakkaat inunnit inatsisitigulluunniit inuttut isigineqarsinnaasunit naalakkersuinermik suliaqarnerminnut pissarsiarisimasaannut tunngatillugu paasissutissanik partiip nuna tamakkerlugu kattuffiata pissarsiarisimaasanik paasissutissaajunnartut aamma ilanngunneqartussanngorlugit.

2.5. Ukiumoortumik naatsorsuutit kukkunersiorneqarsimanissaannik piumasaqaat

A) Inatsisilornerit atuuttut

Naalakkersuinikkut ingerlatsisut partiit naatsorsuutaasa tamanut saqqummiunneqartarneri pillugit Inatsisartut inatsisaanni atuuttumi (Inatsisartut inatsisaat nr. 15, 22. november 2011-meersoq) § 1-imikin piumasaqaatit aalajangersarneqarpoq partiit Kalaallit Nunaanni Folketingimut Inatsisartunulluunniit qinersinermi kingullermi qinigassanngortitaqarsimasut ukiunut tamanut partiip nuna tamakkerlugu kattuffiata isertitaanut aningaaasartuutanullu ukiumoortumik naatsorsuusiorfusut. Inatsisartut inatsisaanni § 1 tamatuma saniatigut paasissutissanik sunik ukiumoortumik naatsorsuutit imaqarnissaannut piumasaqaatinik assiginngitsunik aalajangersaaviuvoq.

Ukiumoortumik naatsorsuutit inatsisartut inatsisaanni § 2 naapertorlugu partiip aqutsisuinit atsiorneqarsimasussaapput ukiumoortumillu naatsorsuutini taaneqarsimasut saniatigut partiip allanik isertitaqaranilu aningaaasartuuteqarsimannginneranilluunniit nalunaarummik imaqassalluni.

Kiisalu Inatsisartut inatsisaanni § 3-mi aalajangersarneqarpoq partiip ukiup naatsorsuuteqarfiusup naanerata kingorna qaammatit arfinillit qaangiutsinnagit

ukiumoortumik naatsorsuutit assilinerinik Inatsisartunut nassiuissaqassasoq Inatsisartullu Siulittaasoqarfiata ukiumoortumik naatsorsuutit tamanut saqqummiutissagai.

Inatsisartut inatsisaat ukiumoortumik naatsorsuutit kukkunersiorneqarsimanissaannik aalajangersakkanik imaqanngilaq.

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaanni atuuttumili (Inatsisartut inatsisaat nr. 1, 31. maj 2001-meersoq, kingusinnerusukkut allannguutitalik) § 9, imm. 2-mi aalajangersarneqarpoq Inatsisartuni partiit attaviitsullu inatsisartut inatsisaat malillugu Inatsisartuni naalakkersuinikkut sulinermut pisortanit tapiissutinik pissarsisartut ukiut tamaasa kingusinnerpaanik 30. juni ukiumut qaangiuttumut naatsorsuutinik Inatsisartut Siulittaasoqarfiannut nassiusisartussaapput, naatsorsuutillu taakku kukkunersiorneqarsimasussaallutik.

Inatsisartut inatsisaanni ukiumoortumik naatsorsuutit paasissatissanik sunik imaqarnissaannut piumasaqaatinik aalajangersaasoqarsimanngilaq.

B) Siunnersuuteqartup isumaliutai

Naalakkersuinikkut suliniaqtigiiiftiit partiit naatsorsuutaasa tamanut saqqummiunneqartarnerat pillugu Inatsisartut inatsisaanni piumasaqaatit, taamaullu aamma naalakkersuinikkut sulinermut aningaasatigut tapiissuteqartarneq pillugu Inatsisartut inatsisaanni piumasaqaatit naammassiniarlugit Inatsisartuni partiit ukiut tamaasa naatsorsuutinik ataatsinik nassiusisarneq nalinginnaasumik suleriaaseraat. Ukiumoortumik naatsorsuutit taakku naalakkersuinikkut sulinermut aningaasatigut tapiissuteqartarneq pillugu Inatsimmi piumasaqaat naapertorlugu kukkunersiorneqarsimasarput.

Tunngaviusumillu partiip toqqarsinnaavaa tamatumunnga taarsiullugu ukiumoortumik naatsorsuutinik marlunnik nassiuissaqarnissani: Naalakkersuinermik suliaqarnermut aningaasatigut tapiissuteqartarneq pillugu Inatsisartut inatsisaat naapertorlugu partiip pisussaaffii naammassiniarlugit ukiumoortumik naatsorsuutit kukkunersiorneqarsimasut, kisiannili inunnit inatsisitigullu inuttut isigineqarsinnaasunit tapiissutit partiip pissarsiarisimasai pillugu paasissutissanik imaqanngitsut. Kiisalu naalakkersuinikkut suliaqtigiiiftiit partiit naatsorsuutaasa tamanut saqqummiunneqartarnerat pillugu Inatsisartut inatsisaat naapertorlugu partiip pisussaaffii naammassiniarlugit ukiumoortumik naatsorsuutit inunnit inatsisitigullu inuttut isigineqarsinnaasunit tapiissutit partiip pissarsiarisimasai pillugu paasissutissanik imaqartut kukkunersiorneqarsimanngitsulli.

Naalakkersuinikkut suliniaqtigiiiftiit partiit naatsorsuutaasa tamanut saqqummiunneqartarnerat pillugu Inatsisartut inatsisaata partiit naalakkersuinikkut sulinerannik kikkut aningaasalersuisuunerannik innuttaasut paasisimasaqarnissaata qularnaarneqarnissaa siunertaraa. Inatsisartut inatsisaatigut tamanna siunertaralugu partiit pisussaaffilerneqarput paasissutissat assigiinngitsunik tamanut saqqummiunneqartussanik

tunniussinissaminut. Tamatumanili piumasaqaataavoq paasissutissat partiit tunniussaasa eqqortuunerannik innuttaasutb tatiginnissinnaanerat. Tamanna ikorfartorneqarsinnaavoq ukiumoortumik naatsorsuutit naalakkersuinikkut suliniaqtigiiffiit partiit naatsorsuutaasa saqqummiunneqartarnerat pillugu Inatsisartut inatsisaat malillugu partiip nassiuissaasa kukkunersiorneqarsimanissaannik piumasaqaammik erseqqilluinnartumik ilangussinikkut.

C) Siunnersuut

Siunnersuummi § 1, nr. 2-kkut erseqqissarneqarpoq ukiumoortumik naatsorsuutit tamanut saqqummiunneqarnissaat siunertaralugu partiip suliaralugillu Inatsisartut Siulittaasoqarfianut nassiatassai kukkunersiorneqarsimassasut.

Paasissutissat ukiumoortumik naatsorsuutinut ilaatinneqartussat – partiimut inunnit inatsisilerinikkullu inuttut isigineqarsinnaasut tapiissutit pillugit paasissutissat – kukkunersiorneqarsimanissaasa qularnaarneqarnissaanik siunnersuut siunertaqarpoq.

3. Pisortanut aningaasatigut allaffissornikkullu kingunerisassai

Siunnersuutip pisortanut aningaasatigut allaffissornikkullu kinguneqarnissa naatsorsuutigineqanngilaq.

4. Inuussutissarsiortunut aningaasatigut allaffissornikkullu kingunerisassai

Siunnersuutip inuussutissarsiortunut aningaasatigut allaffissornikkullu kinguneqarnissa naatsorsuutigineqanngilaq.

5. Avatangiisinut, pinngortitamut inuillu peqqissusiannut kingunerisassai

Siunnersuutip avatangiisinut pinngortitamullu kinguneqarnissa naatsorsuutigineqanngilaq.

6. Innuttaasunut kingunerisassai

Siunnersuutip innuttaasunut kinguneqarnissa naatsorsuutigineqanngilaq.

7. Kingunerisassai pingaarutillet allat

Siunnersuutikkut naalakkersuinikkut ingerlatsinermut nunanit allanit kinaassutsimillu isertuussilluni tapiissuteqarsinnaaneq mattunneqarpoq.

Siunnersuutikkut peqatigitillugu partiit inunnit inatsisilerinikkullu inuttut isigineqarsinnaasunit katillugit 200.000-it sinnerlugit tapiissuteqartullu ataasiakkaat eqqarsaatigalugit 20.000 kr.-it sinnerlugit tapiissutinik pissarsisinnaanerat mattunneqarpoq.

Siunnersuutikkut taamatuttaaq innuttaasut inatsisilerinikkut inuttut isigineqarsinnaasut (ass. ingerlatseqatigiiffiit soqutigisaqaqtigiiffiillu) naalakkersuinikkut suliaqarnermut tapiissutaat pillugit paasisaqarsinnaanerat nukittorsarneqarpoq, tassami piumasaqaataalermaat partiit naatsorsuutaat inatsisilerinikkut inuttut isigineqarsinnaasunit tapiissuteqartoqartillugu tapiissutit annertussusaat apeqqutaatinnagu tamatigut tapiissuteqartoq tapiissutillu

annertussusaat pillugit paasissutissanik imaqartassasut. Inatsisilerinikkut inuttut isigineqarsinnaasut eqqarsaatigalugit taamaalilluni 10.000 kr.-inut killigititaq atuukkunnaarsinneqassaaq. Inuit tigussaasut eqqarsaatigalugit killigititaq 1.000 kr.-inut appartinneqarpoq. Innuttaasut ataasiakaat taamaalillutik suli naalakkersuinermik ingerlataqarnermut 1.000 kr.-it tungaannut tapiissuteqarsinnaassapput, innuttaasup tapiissutaasa annertussusii, aqqa najugaalu partiip naatsorsuutaani tamanit takuneqarsinnaasumik paasissutissiissutiginngikkaluarlugit.

Siunnersuutikkut taamatuttaaq partiimut ilaasortat qinigassanngortissimasulluunniit ataasiakkaat naalakkersuinikkut ingerlatsinerannut tapiissutinut tunngatillugu paasissutissiisussaatitaanermik eqqussisoqarpoq.

Suliniutit taakku tamarmik sanioqqutaarinissap pinngitsoortinnejarnissaanik siunertaqarput, taamaalillutilu peqquserlulluni iluanaarniarnermut (nammineq iluanaarnissaq piinnarlugu pissaanermik atornerluineq) inatsisartut inatsiaata illersuutaanissaanik nukittorsaataallutik.

8. Oqartussanik suliniaqtigiiffinnillu il.il. tusarniaaneq

Siunnersuutip tuaviortutut pissuseqarnerata tusarniaanissamik ingerlataqarnissamik piffissaq eqqarsaatigalugu periarfissaqarsimangnilaq.

Siunnersummi aalajangersakkanut ataasiakkaanut nassuiaatit

§ 1-imut

Nr. 1-imut

Inatsisartut inatsisaata atuuttup qulequtaata allanngortinnejarnissa siunnersuutigineqarpoq, § 1, nr. 10-mi inatsisartut inatsisaata atuuffiata annertusineqarnissaanik siunnersuutip malitsigisaanik (§ 4 b-mik 4 c-millu ilanngussineq).

Nr. 2-mut

Siunnersuutigineqarpoq erseqqissarneqassasoq ukiumoortumik naatsorsuutit tamanut saqqummiunnejarnissaat siunertalarugu partiimit suliarineqarlutillu Inatsisartut Siulittaasoqarfiannut nassiuinneqartussat tassaassasut ukiumoortumik naatsorsuutit *kukkunersiukkan*.

Nr. 3-mut

Inatsisartut inatsisaata kalaallisuuani taaguutit atorneqartut iluarsineqarnissaat siunnersuutigineqarpoq, Inatsisartut inatsisaanni taaguutit atorneqartut assigiissarneqarnissaat siunertalarugu.

Nr. 4-mut

§ 1, imm. 1-mi atuuttumi aalajangersarneqarpoq partiip ukiumoortumik naatsorsuutai isertitat assigiinngitsut erseqqinnerusut pillugit paasissutissanik imaqartassasut, taakkununnga § 1, imm. 1, nr. 4-mi nunani tamalaani suleqatigiiffiinit, inuinnaat ataatsimoorussamik peqatigiiffiinit, suliatigut kattuffiinit, inuussutissarsiortut suleqatigiiffiinit, inuussutissarsiorluni suliffeqarfinnit, aningaasaateqarfinniit peqatigiiffinniillu tapiissutit ilanngullugit.

Siunnersuutikkut taakkartorneqartunit nunat tamalaat akornanni suliniaqatigiiffiit peerneqarput. Tamanna siunnersummi § 1, nr. 10-p (§ 4 b-p nutaap) malitsigaa, taannami malillugu nunanit allanit tapiissteqartunit tapiissutinik partii pissarsisinnaajunnaarmat.

Oqaasertalerneqarnissaanut siunnersuutigineqartumi inatsisilerinikkut inuttut isigineqarsinnaasunit, taakkununnga ilanngullugit ataatsimut kattuffiinit namminersortunit, sulianut atatillugu suliniaqatigiiffiinit, inuussutissarsiortut suliniaqatigiiffiinit, inuussutissarsiutigalugu suliffeqarfinnit, aningaasaateqarfinniit peqatigiiffinnillu, tapiissutit ilaatinneqarput.

Nalunaarsuineq tamakkiisuunngilaq, taamaalliluni inatsisilerinikkut inuttut isigineqarsinnaasunit allanit tapiissutaajunnartut aalajangersakkamut aamma ilaatinneqarlutik.

Pisortanit partiinut tapiissutit inatsisartut inatsisaanni § 1, imm. 1, nr. 1-imut ilaatinneqarput.

Nr. 5-imut

Inatsisartut inatsisaanni atuuttumi § 1, imm. 2-mi aalajangersarneqarpoq partiip ukiumoortumik naatsorsuutai, tapiissuteqartut ukiumi naatsorsuuteqarfiusumi partiimut katillugit 10.000 kr. sinnerlugit tapiissuteqarsimasut ataasiakkaat aqqi najugaallu pillugit paasissutissanik imaqassasut.

Siunnersuutikkut paasissutissiissuteqarnissamik piumasaqaat annertusineqarpoq, tapiissuteqartup aqqa najugaalu kisiisa nalunaariginagit kisiannili aamma tapiissuteqartumit pineqartumit tapiissutit tamarmiusut annertussusiat nalunaarutigineqartartussanngortillugit.

Peqatigitillugu aalajangersagaq killinerneqarpoq inunnit inatsisilerinikkulluunniit inuttut isigineqarsinnaasunit tapissutinut taamaallaat tunngasunngorlugu, tamannalu siunnersummi § 1, nr. 5-imut (§ 1, imm. 3 nutaamut), inatsisilerinikkut inuttut isigineqarsinnaasunit tapiissutit eqqarsaatigalugit paasissutissiisussaatitaanermik malittarisassiiviusumut, sanilliullugu isigineqassaaq.

Inatsisartut inatsisaanni atuuttumi § 1, imm. 2-mi aalajangersarneqarsimavortaaq partiip ukiumoortumik naatsorsuutai kinaassutsimik isertuussilluni tapiissutaajunnartut tamarmiusut

annertussusii pillugit paasissutissanik aamma kinaassutsimik isertuussilluni 10.000 kr. sinnerlugit tapiissutit ataasiakkaat annertussusii pillugit paasissatissanik imaqassasut.

Siunnersuutikkut siunnersummi § 1, nr. 9-p, (§ 4 b nutaap), taanna naapertorlugu partii kinaassutsimik isertuussilluni tapiissutinik pissarsisinnaajunnaassalluni, kinguerisaanik piumasaqaat taanna peerneqarpoq.

Nr. 6-imut

Inatsisartut inatsisaanni atuuttumi § 1, imm. 2-mi aalajangersarneqarpoq partiip ukiumoortumik naatsorsuutai tapiissuteqarsimasut kikkulluunniit ukiumi naatsorsuuteqarfiusumi katillugit 10.000 kr. sinnerlugit tapiissuteqarsimasut aqqi najugaallu pillugit paasissutissanik imaqassasut.

Siunnersuutikkut inatsisilerinikkut inuttut isigineqarsinnaasunit (taakkununnga ilanngullugit ataatsimut kattuffinnit namminersortunit, sulianut atatillugu suliniaqatigiiffinnit, inuussutissarsiortut suliniaqatigiiffiinit, inuussutissarsiutigalugu suliffeqarfinnit, aningaasaateqarfinnit peqatigiiffinnillu) tapiissutit eqqarsaatigalugit aalajangersakkamik nutaamik ilanngussisoqarpoq (§ 1, imm. 3 nutaaq) tapiissutigineqarsinnaasunut killiliunneqarsimasut peerlugit.

Partiip ukiumoortumik naatsorsuutai tamatuma kingorna inatsisilerinikkut inuttut isigineqarsinnaasup tapiissutit annertussusiat apeqquatainnagu ukiumi naatsorsuuteqarfiusumi tapiissuteqarsimasup killuunniip aqqa najugaalu pillugit paasissutissanik imaqartartussaassapput.

Tapiissutit annertussusaat taamatuttaaq paasissutissiissutigineqartussaassapput.

Nr. 7-imut

Inatsisartut inatsisaanni atuuttumi § 1, imm. 4-mi aalajangersarneqarsimavortaaq partiip ukiumoortumik naatsorsuutai ilassutitut nassuaammi, paasissutissat partiip nuna tamakkerlugu kattuffiata § 4 malillugu tigusimasai pillugit paasissutissanik, tassa tapiissutaajunnartut partiip najukkami inuusuttunulluunniit immikkoortortoqarfiata inunnit inatsisitigulluunniit inuttut isigineqarsinnaasunit pissarsiarisimasai pillugit paasissutissaajunnartunik imaqassasut, najukkami inuusuttunulluunniit immikkoortortoqarfik katillugit 40.000 kr. sinnerlugit tapiissutinik pissarsisimappat.

Siunnersuutikkut partiip ukiumoortumik naatsorsuutai eqqarsaatigalugit paasissutissiisussaatitaaneq annertusineqarpoq paasissutissaajunnartut partiip nuna tamakkerlugu kattuffiata § 4 a (siunnersummi § 1, nr. 9) malillugu tigusimasai ilaasussangortillugit, tassa tapiissutaajunnartut partiimut ilaasortat qinigassanngortittullu ataasiakkaat naalakkersuinikkut suliaqarnermut tapiissutit inunnit inatsisitigulluunniit inuttut isigineqarsinnaasunit pissarsiarisimaat pillugit paasissutissanik.

Nr. 8-imut

Inatsisartut inatsisaanni atuuttumi § 4-mi aalajangersarneqarpoq, partiip najukkami inuusuttunulluunniit immikkoortortoqarfia partiiq nuna tamakkerlugu kattuffianut tapiissutaajunnartut najukkami inuusuttunulluunniit immikkoortortoqarfiuq inunnit inatsisilerinikkulluunniit inuttut isigineqarsinnaasunit pissarsiarisimasai pillugit paasissutissanik nassiuissaqassaaq, najukkami inuusuttunulluunniit immikkoortortoqarfik katillugit 40.000 sinnerlugit tapiissutinik pissarsisimappat. Paasissutissat partiip ukiumoortumik naatsorsuutaanut ilaatinneqassapput.

Paasissutissat najukkami inuusuttunulluunniit immikkoortortaqaqrifimmit nassiuinneqartussat inatsisartut inatsisaanni § 4, nr. 1-4-mi nalunaarsorneqarsimapput. § 4, nr. 2-p malitsigissavaa najukkami inuusuttunulluunniit immikkoortortoqarfik tapiissutit ataasiakkaat annertussusii pillugit paasissutissanik nassiuissaqassammat tapiissuteqartut aqqi najugaallu ilanngullugit, immikkoortortaqaqrifik tapiissuteqartumit ataatsimit ataasiarluni arlaleriarluniluunniit katillugit 10.000 kr.-it sinnerlugit pissarsisimappat.

Siunnersuutikkut inatsisilerinikkut inuttut isigineqarsinnaasunit, (taakkununnga ilanngullugit ataatsimut kattuffinnit namminersortunit, sulianut atatillugu suliniaqatigiiffinnit, inuussutissarsiortut suliniaqatigiiffiinit, inuussutissarsiutigalugu suliffeqarfinnit, aningasaateqarfinnit peqatigiiffinnillu) tapiissutit eqqarsaatigalugit paasissutissiisussaatitaaneq annertusineqarpoq.

Najukkami inuusuttunulluunniit immikkoortortoqarfiiit taamaalillutik inatsisilerinikkut inuttut isigineqarsinnaasut ukiumi naatsorsuuteqarfiusumi partiimut, tapiissutit annertussusii apeqquaatinngagit, tapissuteqarsimasut tamarmik aqqi najugaallu pillugit partiip nuna tamakkerlugu kattuffianut paasissutissiisalissapput.

Tapiissutit annertussusiat taamatuttaaq paasissutissiissutigineqartussaassaaq.

Inuinnarnit (inunnit tigussaasunit) tapiissutit eqqarsaatigalugit 10.000 kr.-inut killigititaq attatiinnarneqarpoq.

Nr. 9-mut

Inatsisartut inatsisaanni atuuttumi § 4-mi aalajangersarneqarpoq partiip majukkami inuusuttunulluunniit immikkoortortoqarfia tapiissutaajunnartut najukkami inuusuttunulluunniit immikkoortortoqarfiuq inuinnarnit inatsisilerinikkulluunniit inuttut isigineqarsinnaasunit pissarsiarisimasai pillugit partiip nuna tamakkerlugu kattuffianut paasissutissanik nassiuussissasoq, najukkami inuusuttunulluunniit immikkoortortoqarfik katillugit 40.000 kr. sinnerlugit tapiissutinik tigusaqarsimappat. Paasissutissat partiip ukiumoortumik naatsorsuutaanut ilaassapput.

Paasissutissat najukkami inuusuttunulluunniit immikkoortortaqarfimmit nassiunneqartussat inatsisartut inatsisaanni § 4, nr. 1-4-mi nalunaarsorneqarsimapput.

Siunnersuutikkut § 4, nr. 3-4 kinaassutsimik isertuussilluni tapiissutinut tunngasoq atuukkunnaarsinneqarpoq. Aalajangersakkat taakku atuukkunnaarsinneqarnissaannik siunnersuut siunnersummi § 1, nr. 9-p kinguneraa (§ 4 b nutaaq), taannami malillugu partii kinaassutsimik isertuussilluni tapiissutinik pissarsisinnaajunnaarmata.

Nr. 10-mut

Siunnersuutikkut inatsisartut inatsisaanni immikkoortunik nutaanik pingasunik ilanngussisoqarpoq: Immikkoortoq ataaseq partiimut ilaasortat qinigassanngortittullu ataasiakkaat naalakkersuinermik suliaqarnerannut tapiissutit inunnit inatsisilerinikkuulluunniit inuttut isigineqarsinnaasunit pissarsiaat pillugit paasissutissiisussaatitaanermik aalajangersagartalik (§ 4 a), immikkoortoq kinaassutsimik isertuussilluni nunanillu allanit tapiissuteqartunit tapiissutinik mattussisunik aalajangersagartalik (§ 4 b), kiisalu immikkoortoq partiimut inunnit inatsisilerinikkullu inuttut isigineqarsinnaasuni tapiissutinut killigitat pillugit aalajangersagartalik.

§ 4 a-mut

Aalajangersagaq nutaajuvoq.

Inatsisartut inatsisaanni atuuttumi § 4-mi aalajangersarneqarpoq partiip najukkami inuusuttunulluunniit immikkoortortoqarfiata tapiissutaajunnartut najukkami inuusuttunulluunniit immikkoortortoqarfiup inuinnarnit inatsisilerinikkulluunniit inuttut isigineqarsinnaasunit pissarsiarisimai pillugit paasissutissanik partiip nuna tamakkerlugu kattuffianut nassiussaqassaaq (Taamaattorli aatsaat najukkami inuusuttunulluunniit immikkoortortoqarfik katillugit 40.000 kr.-it sinnerlugit tapiissutinik tigusaqarsimappat). Paasissutissat partiip ukiumoortumik naatsorsuutaanut ilaassapput.

Siunnersuutikkut partiimut ilaasortanut qinigassanngortittullu ataasiakkaanut taamaaqataanik pisussaaffimmik aalajangersasoqarpoq. (Taakkuli eqqarsaatigalugit tapiissutit tiguneqartut tamarmiusut annertussusiat apeqqutaatinnagu paasissutissiisussaatitaaneq atutissasoq siunnersuutigineqarpoq).

Imm. 1-imut

Imm. 1-imi siunnersuutineqarpoq partiimut ilaasortat naalakkersuinikkut sulinerminut allanit partererinngisaminit tapiissutinik, ilaatigut qineeqwsaernermet tapiissutinik, immikkut pissarsisut paasissutissiinissamut pisussaaffeqarnerannik aalajangersasoqassasoq.

Siunnersuutigineqarpoq ilaasortaq qaammatisiutit ukiuata naanerata kingorna qaammatit sisamat qaangiutsinnagit taakku pillugit partiip nuna tamakkerlugu kattuffianut paasissutissanik nassiussaqassaaq

Ilaasortap siullermik tapiissutit tamarmiusut ilaasortap ukiumi pineqartumi pissarsiarisimasaasa katillugit amerlassusii paasissutissiissutigissavai.

Ilaasortap aappaatut tapiissuteqartut ataasiakkaat tapiissutillu ilaasortap taakkunangna pissarsiarisimasai pillugit paasissutissat aalajangersimasut paasissutissiissutigisartussaassavai:

Inatsisilerinikkut inuttut isagineqarsinnaasunit tapiissutit eqqarsaatigalugit, ilaasortap tapiissuteqartup aqqa najugaalu, kiisalu tapiissutit ilaasortap tapiissuteqartumit pissarsiarisimasaasa annertussusiat, paasissutiissutigissavai.

Tamanna aamma inunnit (tigussaasunit) tapiissutinut atuuppoq, taamaallaalli ilaasortaq tapiissuteqartumit ataatsimit ataasiarluni arlaleriarluniluunniit tapiissutinik katillugit 10.000 kr.-init amerlanerusunik pissarsisimappat.

Imm. 2-mut

Imm. 2-mi siunnersuutigineqarpoq aalajangersarneqassasoq imm. 1 taamaaqataanik atuutsinneqassasoq inunnut partiimut ilaasortaanngikkaluarlutik Folketingimut Inatsisartunulluunniit qinersinermi kingullermi partii sinnerlugu qinigassanngortissimasunut.

§ 4 b-mut

Aalajangersagaq nutaajuvoq.

Imm. 1-imut

Imm. 1-imi siunnersuutigineqarpoq partiit nunanit allanit kinaassutsimilluunniit isertuussilluni tapiissutinik tigusaqarsinnaatitaannginngitsut. Taamatut inerteqquteqarneq partiit najukkani inuuusuttunullu immikkoortortaqarfiiinut taamatuttaaq atuuppoq. Aammattaaq imm. 3-p malitsigissavaa aalajangersagaq taamaaqataanik atuutissammat partiimut ilaasortanut partiilu sinnerlugu qinigassanngortittunut ataasiakkaanut.

Nunanit allanit tapiissuteqartutut paasineqassappat tapiissuteqartut Kalaallit Nunaata avataani najugaqartut (imaluunniit inatsisilerinikkut inuttut isagineqarsinnaasut eqqarsaatigalugit: angerlarsimaffeqartut).

Kinaassutsimik isertuussilluni tapiissuteqartutut paasineqassappat tapiissuteqartut aqqi najugaallu tapiissutinik pissarsisumit nalorninaallisinneqarsinnaanngippata.

Imm. 2-mut

Imm. 2-mi siunnersuutigineqarpoq aalajangersarneqassasoq partiit, najukkani inuuusuttunullu immikkoortortaqarfiiit ilanngullugit, tapiissutinik imm. 1-imi taaneqartunik pissarsisut, tapiissutit pissarsiarineqarnerinit sapaatit akunnerisa sisamat qaangiutinnginnerani tapiissutinik utertitsissasut. Tapiissutit partiip utertissinnaanngikkai paasinarsissappat

tapiissutit nunatta karsianut nakkartinneqassapput, taamaalillunilu partiip pisussaaffigissallugu tapiissutit tiguneqarneriniit sapaatit akunneri arfineq-pingasut qaangiutsinnagit tapiissutit kontumut aningaasaqarnermut naalakkersuisoqarfimmit innersuussutigineqartumut nuussallugit.

Pisussaaffik tamanna aamma partiip najukkani inuusuttunullu imikkoortortaqarfinit nunanit allanit kinaassutsimilluunniit isertuussilluni tapiissutnik pissarsisimasunut atuuppoq. Aammattaaq imm. 3-p malitsigissavaa aalajangersagaq taamaaqataanik atuutissammat partiimut ilaasortanut partilu sinnerlugu qinigassanngortittunut ataasiakkaanut.

Tapiissutit utertinneqarsinnaanngitsut pillugit aalajangersakkami oqaaseqatigiit aappaanni ilaatigut eqqarsaatigineqarput kinaassutsimik isertuussilluni taâiissutit aningaasanngorlugit partiimut tunniunneqartut. Tapiissutit aningaaserivikkorlugit partiimut tunniunneqartut nalinginnaasumik utertinneqarsinnaassapput, kontu tapiissuteqarnermi nuussinermut atorneqarsimasoq piffissap ingerlanerani atuukkunnaarsinnejarsimamanngippat.

”Aningaasaqarnermut naalakkersuisoqarfittut” paasineqassaaq Naalakkersuisut ataanni naalakkersuisoqarfittut piffissami pineqartumi aningaasaqarnermut tunngasunut suliassaqarfittut akisussaassuseqartutut (Ullumikkut: Aningaasaqarnermut Akileraartarnermullu Naalakkersuisoqarfik).

Imm. 3-mut

Imm. 3-mi siunnersuutigineqarpoq aalajangersarneqassasoq imm. 1 aamma 2 taamaaqataanik ukununnga atuutissapput:

- 1) Folketingimut Inatsisartunulluunniit ilaasortanut taakkulu sinniisussaannut, aamma
- 2) inunnut Folketingimut Inatsisartunulluunniit qinersinissamut aggersumut qinigassanngortittunut.

Taamaalilluni nunanit allanit kinaassutsimilluunniit isertuussilluni tapiissuteqartunit tapiissutnik pissarsinissaq ajornartitaavoq, partiimullu atuuttutut tapiissutit taamaattut ajornanngippat utertinneqarnissaat imaluunniit nunatta karsianut nuunneqarnissaat pisussaaffiulluni.

Aalajangersagaq Folketingimut Inatsisartunulluunniit ilaasortamut kimulluunniit, taakkununnga sinniisussamut kimulluunniit, aamma kimulluunniit Folketingimut Inatsisartunulluunniit qinersinissamut aggersumut qinigassanngortittumut – pineqartoq partiimut sinniisuunersoq apeqquataatinagu. Aalajangersagaq taamaalilluni aamma atuutissaaq Folketingimi Inatsisartuniluunniit attaviitsuujunnartunut, inunnnullu kisimiillutik qinigassanngortittunut.

§ 4 c-mut

Aalajangersagaq nutaajuvoq.

Imm. 1-imut

Imm. 1-imi siunnersuutigineqarpoq partii qaammatisiutit ukiuanni ataatsimi tapiissutinik katillugit 200.000 kr.-init sinnilinnik, imaluunniit tapiissuteqartut ataasiakkaat eqqarsaatigalugit 20.000 kr.-init sinnilinnik, pissarsiaqarsinnaatitaassanngitsut aalajangersarneqassasoq.

Partii taamaalilluni qaammatisiutit ukiuata iluani inunnit inatsisilerinikkulluunniit inuttut isigineqarsinnaasunit tapiissutinik katillugit 200.000 kr.-init amerlanerusunik pissarsisinnaatitaassanngilaq.

Partii taamatuttaaq inummit imaluunniit inatsisilerinikkut inuttut isigineqarsinnaasumit, ass. ingerlatseqatigiiffimmit peqatigiiffimmilluunniit, 20.000 kr.-it sinnerlugit ataasiartumik tapiissutinik pissarsisinnaatitaassanngilaq. Partii taamatuttaaq inummit inatsisilerinikkulluunniit inuttut isigineqarsinnaasunit tapiissutinik arlalinnik katillugit 20.000 kr.-init amerlanerusunik pissarsisinnaassanngilaq.

Imm. 2-mut

Imm. 2-mi siunnersuutigineqarpoq partii inummit inatsisilerinikkulluunniit inuttut isigineqarsinnaasumit 20.000 kr. sinnerlugit tapiissutinik pissarsisimappat, taava sapaatit akunneri sisamat qaangiutsinnagit tapiissutit ilaat sipporuttut partiip utertissagai.

Partii assersuutigalugu qaammatisiutit ukiuanni ataatsimi tapiissuteqartumit tassannga marloriarluni tapissutinik tamarmik 15.000 kr.-inik annertussusilinnik pissarsisimappat, taava partii tapiissutit ilai sipporuttut 10.000 kr.-it utertissavai.

Paasinarsippat partiip tapiissutit ilaat sipporuttut utertinneqarsinnaanngikkai taakku nunatta karsianut nakkartinneqassapput, pissarsiarineqarnermillu kingorna sapaatit akunnerisa arfineq-pingasut qaangiutinnginnerini kontumut aningaasaqarnermut naalakersuisoqarfimmit innersuussutigineqartumut nuunneqarnissaat partiip pisussaaffigissallugu.

Taamaaqataannik tamanna atuuppoq partii tapiissutinik pissarsiarnermigut katillugit 200.000 kr.-inut killiulissaq, inuit inatsisilerinikkulluunniit inuttut isigineqarsinnaasut tapiissutaannut qaammatisiut ukiuanni partiip pissarsiarisinnaasaannut atuuttoq, sipporneqarsimappat.

Nr. 11-mut

Siunnersuutillet pineqaatissiisarnermut aalajangersagaq annertusineqassaaq § 4 a-mik (ilaasortat qinigassanngortittullu paassisutissiussaatitaanerat pillugu) siunnersuutigineqartumik, § 4 b, imm. 2-mik (kinaassutsimik insertuussilluni tapiissutit tapiissuteqartunillu nunanit allaneersunit tapiissutit pillugit) siunnersuutigineqartumik, § 4 c, imm. 2-tut (tapiissutinuit killissaritiat pillugit) siunnersuutigineqartumik kiisalu § 4 a

siunnersuutigineqartoq malillugit paasissatissanik equnngitsunik amigaateqartunilluunniit tunniussinissamik unioqqutitsinerit ilaatinneqalersillugit.

Kinaassutsimik isertuussilluni nunanillu allanit tapiissutit eqqarsaatigalugit oqaatigineqassaaq § 4 b, imm. 1-imik unioqqutitsineq pineqaatissiarnermut aalajangersakkamut ilaatinneqanngimmat. Taamaattumik tapiissutinik taamaattunik tigusaqarneq immini partip (il.il.) akiliisussanngortinneqarneranik nassataqarsinnaanngilaq. Aatsaat partii (piffissaliussat aalajangersarneqarsimasut iluanni) tapiissutinik utertinngippat imaluunniit utertinneqarnissaat ajornarpat tapiissutit nunatta karsianut nuunngippatigut akiliisitaanermik pineqaatissinneqarsinnaavoq.

Tamanna aamma atuuppoq tapiissutinut killissarititat pillugit § 4 c, imm. 1-imik unioqqutitsinermut.

§ 4 b, imm. 1-ip aamma § 4 c, imm. 1-ip pineqaatissiarnermut aalajangersakkamut ilaatinneqannginnerisa nassatarattaaq tapiissuteqartoq tamatuminnga unioqqutitsinermut akiliisitaasussanngorlugu pineqaatissinneqarsinnaassanngimmat.

Nr. 12-imut

Inatsisartut inatsisaannik unioqqutitsinermut akiliisitsissutit (massakkutut) naalagaaffiup karsianut nakkaratik nunatta karsianut nakkartinneqartarnissaat siunnersuutigineqarpoq.

Siunnersuutigineqarportaaq kinaassutsimik isertuussilluni nunanillu allanit tapiissuteqartunit tapiissutit utertinneqarnissaannik imaluunniit – tamanna ajornarpat – tapiissutit taamaattut nunatta karsianut tunniunneqarnissaannik pisussaaffeqarneq pillugu inatsisartut inatsisaanni aalajangersakkanik unioqqutitsisoqartillugu tunissutit arsaarinnissutigineqarsinnaassasut.

Taamaqataanik siunnersuutigineqarpoq inunnit inatsisitigullu inuttut isigineqarsinnaasunit tapiissutit eqqarsaatigalugit pissarsiarineqarsinnaasunut killiliussat sipporneqarsimatillugit tapiissutit ilaasa sipporuttut utertinneqarnissaannik (imaluunniit – tamanna ajornarpat – tapiissuti ilaasa taakku nunatta karsianut tunniunneqarnissaannik) pisussaaffik pillugu inatsisartut inatsisaanni aalajangersakkat unioqqutinneqarsimatillugit tapiissutit ilaat taakku arsaarinnissutigineqarsinnaasut.

Aningaasat arsaarinnissutigineqartut nunatta karsianut nakkartinneqartarnissaat siunnersuutigineqarpoq.

§ 2-mut

Imm. 1-imut

Inatsisartut inatsisaata tamanut nalunaarutigineqarnermi aqaguani atuutilernissaa siunnersuutigineqarpoq.

Imm. 2-mut

Inatsisissatut siunnersuummi aalajangersakkat naalakkersuinikkut sulinermut inunnit inatsisilerinikkullu inuttut isigineqarsinnaasunit pissarsiarineqartut pillugit paasissutissiisussaatitaanermik sukaammiiviusut tapiissutinut ukiumi naatsorsuuteqarfiusumi 2025-imi tiguneqarsimasunut siullerpaamik atuutissasoq siunnersuutigineqarpoq.

Inatsisissatut siunnersuut inatsimmut atuuttumut sanilliullugu	
<i>Oqaasertalerneri atuuttut</i>	<i>Inatsisissatut siunnersuut</i>
	<p style="text-align: center;">§ 1</p> <p>Naalakkersuinikkut ingerlatsisut partiit naatsorsutaasa tamanut saqqummiunneqartarneri pillugit Inatsisartut inatsisaanni nr. 15-imi 22. november 2011-meersumi tulliuttut allanngortinnejassapput:</p>
Naalakkersuinikkut ingerlatsisut partiit naatsorsutaasa tamanut saqqummiunneqartarneri pillugit Inatsisartut inatsisaat	<p>1. Inatsisartut inatsisaata qulequtaa imatut oqaasertalerneqassaaq: ” ”Naalakkersuinikkut suliniaqatigiiffit, partiit, naatsorsutaasa tamanut saqqummiunneqartarneri naalakkersuinikkullu sulinermut inuit inatsisilerinikkullu inuttut isigineqarsinnaasut tapiissutaat pillugit Inatsisartut inatsisaat”</p>
§ 1, imm. 1, oqaaseqatigiit siulliit: Partiit, Folketingimut imaluunniit Inatsisartunut kingullermik qinersinermi Kalaallit Nunaanni qinigassanngortitsisimasut partiip nuna tamakkerlugu kattuffiaa isertitai aningaasartuutaa pillugit ukiut tamaasa ukiumoortumik naatsorsuutinik saqqummiussisassapput.	<p>2. § 1, imm. 1, oqaaseqatigiit siulliit, imatut oqaasertalerneqassapput: ” Partiit Folketingimut Inatsisartunulluunniit Kalaallit Nunaanni qinersinermi kingullermi qinigassanngortitaqarsimasut qaammatisiutit ukiui tamaasa partiip nuna tamakkerlugu kattuffiaa isertitaanut aningaasartuutanullu ukiumoortumik naatsorsuutinik kukkunersiukkanik saqqummiussaqtassapput.”</p>
3) Aammattaarlu inuinnarnit akileeqataassutit.	<p>3. § 1, imm. 1, nr. 3, imatut oqaasertalerneqassaaq: “3) Qulaani taaneqartut saniatigut inuinnarnit tapiissutit allat.”</p>
4) Nunani tamalaani suleqatigiiffinnit, inuinnaat ataatsimoorussamik peqatigiiffiinit, suliatigut kattuffinnit, inuussutissarsiortut suleqatigiiffiinit,	<p>4. § 1, imm. 1, nr. 4, imatut oqaasertalerneqassaaq: ” 4) Inatsisilerinikkut inuttut isigineqarsinnaasunit, taakkununnga ilanngullugit ataatsimut kattuffinnit</p>

<p>inuussutissarsiorluni suliffeqarfinnit, aningaasaateqarfinniit peqatigiiffinniillu akileeqataassutit.</p>	<p>namminersortunit, sulianut atatillugu suliniaqatigiiffinnit, inuussutissarsiorluni suliniaqatigiiffiinit, inuussutissarsiutigalugu suliffeqarfinnit, aningaasaateqarfinnit peqatigiiffinnillu, tapiissutit.”</p>
<p><i>Imm. 2. Partii ukiumi naatsorsuiffimmi akiliuteqartumit ataatsimiit akileeqataassummik imaluunniit akileeqataassutinik arlalinnik katillugit 10.000 kr.-inik amerlanerusunik pissarsisimappat akiliisup aqqa najugaalu ukiumoortumik naatsorsuutinit takuneqarsinnaassaaq. Kinaasutsiminnik nalunaaruteqaratik akiliuteqartunit akileeqataassutit tamarmiusut annertussusaat pillugu paasissutissanik aamma 10.000 kr.-it sinnerlugit kinaassutsiminik nalunaaruteqanngitsumit ataasiakkaanit akileeqataassutit annertussusaat pillugit paasissutissanik aamma ukiumoortumik naatsorsuutit imaqassapput.</i></p>	<p>5. § 1, imm. 2, imatut oqaasertalerneqassaaq: ” <i>Imm. 2. Partii ukiumi naatsorsuuteqarfiusumi tapiissuteqartumit ataatsimit ataasiarluni arlaleriarluniluunniit tapiissutinik imm. 1, nr. 3-mut ilaatinneqartunik katillugit 1.000 kr.-init amerlanerusunik pissarsisimappat, tapiissuteqartup aqqa najugaalu ukiumoortumik naatsorsuutini takuneqarsinnaassapput tapiissuteqartumit tapiissutit tamarmiusut nalunaarlugit.”</i></p>
	<p>6. § 1-imi imm. 2-p kingornanut immikkoortutut nutaatut ilanngunneqassaaq: ” <i>Imm. 3. Partii ukiumi naatsorsuuteqarfiusumi tapiissuteqartumit ataatsimit ataasiarluni arlaleriarluniluunniit tapiissutinik imm. 1, nr. 4-mut ilaatinneqartunik pissarsisimappat, tapiissuteqartup aqqa najugaalu ukiumoortumik naatsorsuutini takuneqarsinnaassapput tapiissuteqartumit tapiissutit tamarmiusut nalunaarlugit.”</i></p> <p>Imm. 3-4 tamatuma kingorna imm. 4-5-ingussapput.</p>

<p><i>Imm.4.</i> Ukiumoortumik naatsorsuutit ilassutitut nalunaarsukkatut partiip nuna tamakkerlugu kattuffiata § 4 malillugu pissarsiarisimasaanik paasissutissanik imaqassapput.</p>	<p>7. § 1, imm. 4, imm. 5-inngortussat imatut oqaasertalerneqassaaq:</p> <p>” <i>Imm. 5.</i> Ukiumoortumik naatsorsuutit ilassutitut nassuaammik paasissutissaajunnartunik partiip nuna tamakkerlugu kattuffiata § 4 aamma § 4 a malillugit tigusimasaanik imaqassapput.”</p>
<p>§ 4. § 1, imm. 1-mi ilaasup partiip immikkoortortaqarfia imaluunniit inuuusuttunut immikkoortortaqarfia ukumi ilivitsumi § 1, imm. 1, nr. 3-4-mi taaneqartunik akileeqataassutinik, katillugit 40.000 kr.-inik amerlanerusunik tigusaqarsimappat, immikkoortortaqarfik ukiup ilivitsup naaneraniit kingusinnerpaamik qaammatit sisamat qaangiutsinnagit partiip nuna tamakkerlugu kattuffianut makku pillugit paasissutissanik nassiussissaaq:</p> <ol style="list-style-type: none"> 1) Akileeqataassutit tamarmiullutik annertussusaat. 2) Akileeqataassutsip ataatsip annertussusaa, akileqaataasup aqqa najugaalu allallugit, immikkoortortaqarfik akileeqataasumit ataatsimiit akileeqataassummik imaluunniit akileeqataassutinik arlalinnik katillugit 10.000 kr.-inik amerlanerusunik pissarisimappat. 3) Kinaassutsiminnik nalunaaruteqanngitsunit akileeqataassutit tamarmiusut annertussusaat. 4) Kinaassutsiminnik nalunaaruteqanngitsunit ataasiakkaanit tamanit ataasiarluni akileqataassutit 10.000 kr.-inik amerlanerusut annertussusaat. 	<p>8. § 4, nr. 2, imatut oqaasertalerneqassaaq:</p> <p>”2) Aningaasatigut tapiissutit ataasiakkaat annertussusii, tapiissuteqartup aqqa najugaalu nalunaarlugit:</p> <ol style="list-style-type: none"> a) immikkoortortaqarfik tapiissuteqartumit ataatsimit ataasiarluni arlaleriarluniluunniit tapiissutinik imm. 1, nr. 3-mut ilaatinneqartunik katillugit 1.000 kr.-init amerlanerusunik pissarisimappat, imaluunniit b) immikkoortortaqarfik tapiissutinik § 1, nr. 4-mut ilaatinneqartunik pissarisimappat.” <p>9. § 4, nr. 3-4, atuukkunnaarsinneqassapput.</p>
	<p>10. § 4-p kingornanut immikkoortututu nutaatut ilanngunneqassaaq:</p> <p>”</p>

	<p><i>Ilaasortat qinigassanngortissimasullu paasissutissiisussaatitaanerat</i></p> <p>§ 4 a. Partiimut § 1, imm. 1-imut ilaatinneqartumut ilaasortaq naalakkersuinikkut sulinerminut allanit parteerinngisaminit tapiissutinik, ilaatigut qineqqusaarnermut tapiissutinik, qaammatisiutit ukiuanni pissarsisimappat, ilaasortaq qaammatisiutit ukiuata naanerata kingorna qaammatit sisamat qaangiutsinnagit uku pillugit partiip nuna tamakkerlugu kattuffianut paasissutissanik nassiussaqassaaq: 1) tapiissutit tamarmiullutik annertussusii, aamma 2) tapiissutit ataasiakkaat annertussusii, tapiissuteqartut aqqi najugaallu nalunaarlugit: a) ilaasortaq tapiissuteqartumit ataatsimit ataasiarluni arlaleriarluniluunniit tapiissutinik imm. 1, nr. 3-mut ilaatinneqartunik katillugit 1.000 kr.-init amerlanerusunik pissarsisimappat, imaluunniit b) ilaasortaq tapiissutinik § 1, nr. 4-mut ilaatinneqartunik pissarsisimappat. Imm. 2. Inuit partiimut ilaasortaanngikkaluarlutik Folketingimut Inatsisartunulluunniit qinersinermi kingullermi partii sinnerlugu qinigassanngortissimasut ilaasortanut naligitinneqassapput.</p> <p><i>Kinaassutsimik isertuussilluni tapiissutit nunanillu allanit tapiissutit</i></p> <p>§ 4 b. Partiit, najukkani inuuusuttunullu immikkoortortaqarfii ilanngullugit, nunanit allanit kinaassutsimilluunniit isertuussilluni tapiissutinik pissarsisinnaatitaanngillat.</p>
--	--

	<p><i>Imm. 2.</i> Partiit, najukkani inuuusuttunullu immikkoortortaqarfiit ilanngullugit, nunanit allanit kinaassutsimilluuniit isertuussilluni tapiissutinik imm. 1-imi taaneqartunik pissarsippata, partiip tapiissutit pissarsiarineqarnerinit sapaatit akunnerisa sisamat qaangiutinnginnerani tapiissutit utertissavaat. Tapiissutit utertinneqarsinnaanngitsut nunatta karsianut nakkartinneqassapput, tiguneqarnermillu kingorna sapaatit akunnerisa arfineq-pingasut qaangiutinnginneranni kontumut aningaasaqarnermut naalakkersuisoqarfimmit innersuussutigineqartumut nuunneqassallutik.</p> <p><i>Imm. 3.</i> Imm. 1 aamma 2 taamaaqataanik ukununnga atuutissapput:</p> <ol style="list-style-type: none"> 1) Folketingimut Inatsisartunulluunniit ilaasortanut taakkulu sinniussaannut, aamma 2) inunnut Folketingimut Inatsisartunulluunniit qinersinissamut aggersumut qinigassangortittunut.” <p style="text-align: center;"><i>Tapiissutinut pissarsiarineqarsinnaasunut killiliussat</i></p> <p>§ 4 c. Partii qaammatisiutit ukiuanni ataatsimi tapiissutinik § 1, imm. 1, nr. 3-4-mut ilaatinneqartunik katillugit 200.000 kr.-init sinnilinnik, imaluunniit tapiissuteqartut ataasiakkaat eqqarsaatigalugit 20.000 kr.-init sinnilinnik, pissarsiaqarsinnaatitaanngillat.</p> <p><i>Imm. 2.</i> Partii tapiissutinut pissarsiarineqarsinnaasunut killiliussaq imm. 1-imi taaneqartoq sipporlugu pissarsippat, tapiissutit pissarsiarineqarnerisa kingorna sapaatit akunneri sisamat qaangiutsinnagit tapiissutit ilaat sipporuttut partiip utertissavai. Tapiissutit ilaat sipporuttut utertinneqarsinnaanngitsut nunatta karsianut</p>
--	---

	nakkartinneqassapput, pissarsiarineqarnermillu kingorna sapaatit akunnerisa arfineq-pingasut qaangiutinnginnerini kontumut aninaasaqarnermut naalakkersuisoqarfimmit innersuussutigineqartumut nuunneqassallutik.
§ 5, imm. 1: Akiliisitsisoqarsinnaavoq: 1) § 2, § 3, imm. 1 aamma § 4 unioqqutinneqarpata. 2) §§ 1 aamma 4 malillugit paasissutissanik eqqunngitsunik amigaateqartunilluunniit tunniussisoqarpat. 3) § 2 malillugu eqqunngitsumik nalunaaruteqartoqarpat.	11. § 5, imm. 1, imatut oqaasertalerneqassaaq: ” Tulliuttunut akiliisitaanermik pineqaatissiisoqarsinnaavoq: 1) § 2-mik, § 3-mi oqaaseqatigiit siulliannik, § 4-mik, § 4 a-mik aamma § 4 b, imm. 2- mik unioqqutitsinermut, 2) §§-it 1, 4 aamma 4 a malillugit paasissutissanik eqqunngitsunik amigartunilluunniit tunniussaqarnermut, aamma 3) § 2 malillugu eqqunngitsumik nalunaaruteqarnermut.”
	12. § 5-im iimm. 3-4-tut ilanngunneqassapput: ” <i>Imm. 3.</i> Akiliisitsissutit imm. 1-2 malillugit aalajangersarneqartut nunatta karsianut nakkartassapput. <i>Imm. 4.</i> § 4 b, imm. 2-mik unioqqutitsisoqartillugu Kalaallit Nunaanni pinerluttulerinermut inatsimmi malittarisassat malillugit arsaarinnittoqarsinnaavoq. Arsaarinnissutit nunatta karsianut iluaqtissanngortinneqassapput.”
	§ 2 Inatsisartut inatsisaat Inatsisartut inatsisaata tamanut nalunaarutigineqarnerata aqaguani atuutilissaq. <i>Imm. 2.</i> § 1, nr. 5, 6 aamma 8 kiisalu § 4a, § 1, nr. 10-kkut ilanngunneqartoq,

	siullermik atuutilissapput tapiissutinut ukiumi naatsorsuuteqarfiusumi 2025-mi pissarsiarineqartunut.
--	---